

Broj: 01-07-07/3-14-2-1220
Sarajevo, 18.01. 2018. godine

Na osnovu člana 22. Zakona o unutrašnjim poslovima Federacije Bosne i Hercegovine („Službene novine Federacije BiH“, broj 81/14) i u skladu sa Zakonom o javnim nabavkama Bosne i Hercegovine („Službeni glasnik BiH“, broj 39/14), federalni ministar unutrašnjih poslova **d o n o s i**

O D L U K U

o poništenju postupka javne nabavke izrade Glavnog projekta za adaptaciju objekta „F“ Policijske akademije Federalnog ministarstva unutrašnjih poslova

I

Na osnovu člana 69 stav (3), člana 70., stav (1) i (4) i člana 72., stav (3), tačka c) Zakona o javnim nabavkama Bosne i Hercegovine ("Službeni glasnik BiH", broj 39/14) poništava se postupak javne nabavke izrade Glavnog projekta za adaptaciju objekta „F“ Policijske akademije Federalnog ministarstva unutrašnjih poslova.

II

Stupanjem na snagu ove Odluke prestaje da važi Odluka o dodjeli ugovora za izradu Glavnog projekta za adaptaciju objekta „F“ Policijske akademije Federalnog ministarstva unutrašnjih poslova, broj: 01-07-07/3-14-2-1220 od 21. 12. 2017. godine.

III

Ova Odluka stupa na snagu danom donošenja.

O b r a z l o ž e n j e

Komisija za provođenje postupaka nabavke svih roba, usluga i radova za 2017. godinu putem konkurentskog zahtjeva za potrebe Federalnog ministarstva unutrašnjih poslova - Federalnog ministarstva unutarnjih poslova, formirana Rješenjem federalnog ministra unutrašnjih poslova, broj: 01-07-07/3-14-2-1220 od 14. 9. 2016. godine, provela je postupak po Konkurentskom zahtjevu za izradu Glavnog projekta za adaptaciju objekta „F“ Policijske akademije Federalnog ministarstva unutrašnjih poslova, objavljenom na Portalu javnih nabavki, broj: 405-7-3-52-3-37/17 od 6. 12. 2017. godine. Tom prilikom izvršila je razmatranje, analizu i ocjenu blagovremeno prispjele ponude ponuđača „INSTITUT ZA GRAĐEVINARSTVO „IG“ d.o.o. Banjaluka te dostavila Izvještaj s prijedlogom sklapanja Ugovora sa ponuđačem INSTITUT ZA GRAĐEVINARSTVO „IG“ d.o.o. Banjaluka, koji je

Bosna i Hercegovina, 71 000 Sarajevo, M. Spahe 7. telefon (+387 33)-280-020, lokal 3100, fax(+387 33)-590-218, www.fmup.gov.ba



dostavio ponudu sa cijenom u iznosu od 14.274,00 KM i koja ispunjava sve uslove predviđene Konkurentskim zahtjevom.

Ponuđač INSTITUT ZA GRAĐEVINARSTVO „IG“ d.o.o. Banjaluka je svojim aktom, broj: DO-IGBL-IN-OS-5252/17 od 27. 12. 2017. godine obavijestio Ugovorni organ da je iz objektivnih razloga prinuđen odustati od zaključivanja ugovora u predmetnom postupku javne nabavke.

Shodno navedenom, a kako je u predmetnom postupku javne nabavke dostavljena samo jedna ponuda, Ugovorni organ nije mogao postupiti u skladu sa članom 72., stav (3), odnosno dostaviti prijedlog ugovora ponuđaču čija je ponuda po rang - listi odmah nakon ponude najuspješnijeg ponuđača te je odlučio kao u dispozitivu ove Odluke.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi BiH, u pisanoj formi u roku od 5 (pet) dana od dana prijema iste. Žalba se podnosi putem Ugovornog organa u 3 (tri) primjerka.



Dostaviti:

1. Ponuđaču,
2. Sektoru za mat.-fin. poslove FMUP-a,
3. Kabinetu ministra - Odsjek za odnose sa javnošću
(za potrebe objave na internetskoj strani FMUP-a – Ugovornog organa),
4. U spis,
5. a/a.

DŽĆ/DŽĆ

FMUP-ODL